

至赤晏廟凡八十里乃黃河下流淤沙壅塞疏濬宜先  
次則草灣老黃河口衝激渰沒安東一縣亦當急築更  
築長堤磯礮以備衝激又三里溝新河口視舊口水高  
六尺開舊口有沙淤之患而爲害稍輕開新口未免渰  
沒之虞而漕舟頗便宜暫閉新口建置閘座且增築高  
家堰長堤而新莊諸閘甃石以遏橫流帝命侍郎吳鵬  
振災戶而悉從鈞奏三里溝新河者督漕都御史應橧  
以先年開清河口通黃河之水以濟運今黃河入海下  
流澗口安東俱漲塞河流壅而漸高瀉入清河口沙停  
易淤屢濬屢塞溝在淮水下流黃河未合之上故閉清